

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08) i člana 19. stav (6), i člana 141. stav (7) tačka a) Zakona o strancima („Službeni glasnik BiH“, broj: 88/15), Vijeće ministara Bosne i Hercegovine, na 05. vanrednoj sjednici održanoj 17.03.2020. godine, donijelo je

O D L U K U

O DOPUNI ODLUKE O PROPISIVANJU DODATNIH USLOVA ZA ULAZAK STRANACA U BOSNU I HERCEGOVINU

Član 1.

U članu 2. Odluke o propisivanju dodatnih uslova za ulazak stranaca u Bosnu i Hercegovinu (VM broj 12/20 od 15.03.2020. godine), iza stava (2) dodaju se novi sl. (3) i (4) koji glase:

„(3) Ove mjere ne odnose se na vozače i suvozače teretnih vozila prilikom obavljanja međunarodnog transporta robe u drumskom saobraćaju, kao i posade i kabinskog osoblja vazduhoplova čije je krajnje odredište Bosna i Hercegovina. U slučaju međunarodnog tranzita prevoza robe drumskim putem, boravak posade teretnog vozila u Bosni i Hercegovini se ograničava na najviše 12 sati.

(4) Odluka se ne primjenjuje na diplomatsko – konzularno osoblje akreditirano (rezidentno) u Bosni i Hercegovini, uz napomenu da je isto obavezno pridržavati se i poštovati sva uputstva i naredbe nadležnih tijela Bosne i Hercegovine (epidemioloških i zdravstvenih službi). Prilikom ulaska na teritoriju Bosne i Hercegovine, osim diplomatske iskaznice Ministarstva vanjskih poslova Bosne i Hercegovine (tipa „D“, „MO“, „K“, „S“, „PO“, „PK“, „PP“), potrebno je posjedovati i predočiti odgovarajući važeći pasoš.“

Član 2.

Iza člana 5. dodaje se novi član 6. koji glasi:

„Član 6.

(Vrijeme primjene)

Nakon prestanka razloga za propisivanje dodatnih uslova, Vijeće ministara Bosne i Hercegovine donijet će odluku o ukidanju zabrane, pojedinačno za svaku od država iz člana 2. stav (1) ove odluke“.

1. 1. 1. 1.


Član 3.

Ova Odluka stupa na snagu danom donošenja i objavljuje se u „Službenom glasniku BiH“.

VM broj 16 /20

17.03.2020. godine

Sarajevo



Predsjedavajući

Član ministara BiH

Zoran Tegeltija

